

摛藻堂四庫全書薈要

集部

欽定四庫全書
欽定全唐詩卷一百四

集部

御定全唐詩卷一百九

李適之

李適之一名昌恒山王承乾之孫開元中累官通州刺史擢秦州都督轉陝州刺史入為河南尹拜御史大夫歷刑部尚書天寶元年代牛仙客為左相李林甫構之罷知政事守太子少保尋貶宜春太守詩二首

退朝

朱門長不閉親友恣相過年今將半百不樂復待一作如

何

罷相作

本事云適之疎直坦夷為相時譽甚美為李林甫所構及罷免朝客雖知無罪

謁

問甚稀適之意憤日飲醇酣恣

且為此詩

林甫愈怒終遂不免

避賢初罷相樂聖且銜杯一作借問門前客今朝幾箇

來

房琯

房琯字次律河南人則天時平章事融之予以門蔭補

弘文生開元中明皇將封岱岳琯撰封禪書以獻張說
奇其才授祕書省校書郎又應堪任縣令舉為盧氏令
尋拜監察御史天寶初遷主客員外累憲部侍郎明皇
幸蜀琯獨馳赴行在上大悅即日拜文部尚書同平章
事與左相韋見素等奉冊靈武因陳時事言詞慷慨肅
宗為之改容詔持節充招討節度等使後為賀蘭進明
所構罷相尋貶邠州刺史詩一首

題漢州西湖

高流纏峻崿城下緬丘墟決渠信浩蕩潭島成江湖結
宇依迴渚水中信可居三伏氣不蒸四達暑自徂同人
千里駕鄰國五馬車月出共登舟風生隨所如舉麾指
極浦欲極更盤紆繚繞各殊致夜盡情有餘遭亂意不
開即理還暫祛安得長晤語使我憂更除

李泌

李泌字長源京兆人七歲知為文明皇召令供奉東宮
肅宗即位參預軍國大議拜銀青光祿大夫仍請還山

代宗朝召為翰林學士尋為杭州刺史德宗幸奉天徵授散騎常侍貞元中拜中書侍郎平章事封鄴縣侯集

二十卷今存詩四首

詠方圓動靜

明皇名見方與張說觀甚命說試之詩即令咏方圓動靜泌曰願聞

其狀說曰方如碁局圓如碁子動如碁生靜如

碁死泌即詠此說

賀曰聖代嘉瑞也明皇大悅

賜果餌衣物

及綵數十

方如行義圓如用智動如逞才靜如遂意

長歌行

天覆吾地載吾天地生吾有意無不然絕粒昇天衢不
然鳴珂遊帝都焉能不貴復不去空作昂藏一丈夫一
丈夫兮一丈夫平生氣志是良圖請君看取百年事業
就扁舟泛五湖

奉和聖製中和節曲江宴百寮

風俗時有變中和節惟新軒車雙闕下宴會曲江濱金
石何鏗鏘簪纓亦紛綸皇恩降自天品物感知春慈恩

匝寰瀛歌詠同君臣

缺一

奉和聖製重陽賜會聊示所懷

大唐造昌運品物荷時成乘秋逢令節錫宴歡羣情俯

臨秦山川高會漢公卿

缺一韻

未追赤松子且泛黃菊英

賡歌聖人作海內同休明

句

青青東門柳歲宴復憔悴

見鄴侯家傳

良弓摧折久誰識

是龍韜

見吟窗雜錄

旋沫翻成碧玉池添酥散出琉璃眼

茶賦

郭子儀

郭子儀華州鄭人以武舉起家後平安祿山史思明之亂累官至中書令封汾陽王賜號尚父年八十五卒贈太師謚忠武詩二首

享太廟樂章

唐書樂志曰代宗寶應已後續造享太廟樂章獻明皇用廣運之舞

肅宗用維新之舞代宗用保大之舞德宗用文明之舞順宗用大順之舞憲宗用象德之舞穆宗用和寧之舞武宗用大定之舞昭宗用咸寧之舞宣懿宗有舞詞而名不傳

廣運舞

於赫皇祖昭明有融惟文之德惟武之功河海靜謐車
書混同虔恭孝饗穆穆玄風

保大舞

於穆文考聖神昭彰簫勺羣慝含光遠方萬物茂遂九
夷賓王愔愔雲韶德音不忘

御定全唐詩卷一百九

謹案卷一百四第二頁前五行送張宣赴朔方按

別本作張仁宣

卷一百九第三頁後三行干生氣志是良圖按千
生二字疑有訛

總核官庶吉士臣張能照

校對官檢討臣蕭九成

謄錄監生臣魏世勗

欽定四庫全書叢要

集部

御定全唐詩卷一百
十六

詳校官僕補遺司經厯臣郭祚斌

欽定四庫全書
欽定全唐詩卷一百十五

集部

御定全唐詩卷一百十五

張諤

張諤景龍中登進士第仕為陳王掾岐王範雅好儒士
諤與閻朝隱劉庭琦鄭繇等皆從之遊賦詩飲酒後坐
貶山莊丞詩十二首

百子池一有懷古二字

舊聞百子漢家池漢家淥水今逶迤宮女厭鏡笑窺池

身前影後不相見無數空華空自知

東封山下宴羣臣

萬里扈封轡羣公遇此歡慢城連夜靜霜雲一作仗滿空

寒輦路霄煙合旌門曉月殘明朝陪聖主山下禮圓壇

三日岐王宅

玉女費妃生嬢婉始發聲金盆浴未了絅子繡初成翡翠雕芳綺真珠帖小纓何時學健步鬪取落花輕

滿月

社金流茂祉庭玉表竒才竹似因談植蘭疑入夢裁鳥
將八子去鳳逐九雛來今夜明珠色當隨滿月開

岐王山亭

王家傍綠池春色正相宜豈有樓臺好兼看草樹竒石
榴天上葉椰子日南枝出入千門裏年年樂未移

岐王席上詠美人

半額畫雙蛾盈盈燭下歌玉杯寒意少金屋夜一作治情
多香豔王分帖裙嬌敕賜羅平陽莫相漫一作妬喚出不

如他

還京

一作廣陵送別宋員外佐越
鄭舍人還京一作韋述詩

朱綬臨秦望，皇華赴洛橋。
文章南渡越，書奏北歸朝。
樹入江雲盡，城銜海月遙。
秋風將客思，川上晚蕭蕭。

贈吏部孫員外濟

天子愛賢才，星郎入拜來。
明光朝半下，建禮直初迴。
名帶含香發，文隨綺幕開。
披雲自有鏡，從此照仙臺。

送李著作倅杭州

輟吏空三署題輿佐一方祖筵開霽景征陌直朝光水
陸風煙隔秦吳道路長佇聞敷善政邦國詠惟康

九日

秋來

一作天

林下不知春一種佳遊事也均絳葉從朝飛

著

一作盡

夜黃花開日未成旬將曛

一作橫

陌樹頻驚鳥

馬

一作

半醉歸途數問人城遠

一作外

登高併九日茱萸凡

作幾年新

延平門高齋亭子應岐王教

花源藥嶼鳳城西翠幙紗窗鶯亂啼昨夜蒲萄初上架
今朝楊柳半垂堤片片仙雲來渡水雙雙燕子共銜泥
請語東風催後騎併將歌舞向前谿

九日宴

秋葉風吹黃颯颯晴雲日照白鱗鱗歸來得問茱萸女
今日登高醉幾人

劉庭琦

劉庭琦開元時人終雅州司戶詩四首

從軍

朔風吹寒塞胡沙千萬里陣雲出岱山孤月生海水決
勝方求敵銜恩本輕死蕭蕭牧馬鳴中夜拔劍起

奉和聖製瑞雪篇

紫宸飛雪曉裴回層閣重門雪照開九衢晶耀浮埃盡
千品差池贊帛來何處田中非種玉誰家院裏不生梅
埋雲翳景無窮已因風落地吹還起先過翡翠寶房中
轉入鴛鴦金殿裏美人含笑出聯翩豔逸相輕鬪容止

羅衣點著渾是花玉手搏來半成水奕奕紛紛何所如
頓憶楊園二月初羞同班女高秋扇欲照明王乙夜書
姑射山中符聖壽芙蓉闕下降神車願隨睿澤流無限
長報豐年貴有餘

詠木槿樹題武進文明府廳

物情良可見人事不勝悲莫恃朝榮好君看暮落時

銅雀臺

銅臺宮觀委灰塵魏主園林漳水濱即今西望猶堪思

况復當時歌舞人

鄭繇

鄭繇鄭州人嗣聖元年登進士第開元初為岐王長史

詩二首

失白鷹

白錦一作畫

文章亂丹霄羽翮齊雲中呼暫下雪裏放還

迷梁苑驚池鷺陳倉拂野雞不知寥廓外何處獨依棲

依棲一作別

經慈潤題

岸與恩同廣波將慈共深涓涓勞日夜長似下流心

御定全唐詩卷一百十

欽定四庫全書
會要卷一百五十六

集部

御定全唐詩卷一百十一

韓休

韓休京兆長安人舉賢良累官禮部侍郎開元二十二年拜黃門侍郎與蕭嵩同秉政休敷陳治道多鯁直帝重之終太子少師謚文忠詩二首

奉和御製平胡

南牧正紛紛長河起塞氛玉符一作兵徵選士金鉞拜將

軍疊鼓搖邊吹連旌暗朔雲
夜乘星落害一作氣入

吉

朝分始見幽烽警俄看烈火焚功成奏凱樂戰罷策歸

勲盛德陳清廟神謨屬大君叨榮逢偃羽率舞詠時文

奉和聖製送張說巡邊

一德光

一作先

台象三軍掌

一作賞

夏卿來威申廟畧出總

叶師貞受鉞辭金殿憑軒去

一作出

鼎城曙光搖組甲疎

吹繞雲旌左律方先凱中鼙即訓兵定功彰

一作張

武事

陳頌紀天聲祖宴初留賞宸章更寵行車徒零

一作靈

雨

送林野夕陰生路極河流遠川長朔氣平南轍遲返旆
歸奏謁承明

祭汾陰樂章

於穆濬哲維清緝熙肅事昭配永言孝思滌濯靜嘉馨
香在茲神之聽之用受福釐

許景先

許景先義興人舉進士授夏陽尉神龍初拜左拾遺擢
中書舍人與齊澣王丘韓休張九齡更知制誥俱以文

翰見稱開元中帝自擇刺史景先首中其選自吏部侍郎出為虢州刺史卒侍中詩五首

徵君宅

今祗洹寺是

徵君昔嘉遯抗跡遺俗塵了心悟有物秉化遊一作入無
垠道喪歷千載復存潁陽真上虞佳山水晚歲耽隱淪
內史既解綬支公亦相親儒道匪遠理意勝聊自欣洄
沿南谿夕流浪東山春石辟踐丹景金潭冒綠蘋探鍊
備海嶠賞心寫情人奈何靈仙骨歛一作翮瑤池津寥

寥虛白宇夙初招提因家風綱多尚玄德謝無鄰謬陪
金門彥矯跡侍紫宸皇恩竟已矣遺烈庶不泯

折柳篇

春色東來度渭

一作灞

橋青門垂柳百千條長楊西連建

章路漢家林

一作禁

苑紛無數繁花始遍合歡枝

一作宮

遊

絲半畝相思樹春樓初日照南隅柔條垂綠掃金鋪寶

釵新梳倭墮髻錦帶交垂連理襦自憐柳塞淹戎幕銀

燭長啼愁夢著芳樹朝催玉管新春風夜染羅衣薄城

頭楊柳已如絲。今年花落去年時。折芳遠寄相思曲。為惜容華難再持。

奉和御製春臺望

睿德在青陽。高居視中縣。秦城連鳳閣。漢寢疏龍殿。文物照光輝。郊畿鬱葱蒨。千門望成錦。八水明如練。複道曉光披。宸遊出禁移。瑞氣朝浮五雲閣。祥光夜吐萬年枝。蘭葉負龜初薦祉。桐花集鳳更來儀。秦漢生人凋力役。阿房甘泉構雲碧。汾祠雍畤望通天。玉堂宣室坐長

年鼓鐘西接咸陽觀苑囿南通鄂杜田明主卑宮誠前
失輔德欽賢政惟一昆蟲不夭在春蒐稼穡常艱重農
術邦家已荷聖謨新猶聞儉陋惜中人豫奉北辰齊七
政長歌東武抃千春

陽春怨

紅樹晚鶯啼春風暖翠闌雕籠熏繡被珠履踏金隄芍
藥花初一作如吐菖蒲葉正齊臺砧當此日行役向遼西

奉和聖製送張尚書巡邊

文武承邦式風雲感國禎王師親賦政廟略久論兵漢
主知三傑周官統一作總六卿四方分閫受千里坐謀成

介胄辭前殿壺觴宿左營賞筵頒賜重宸贈出車榮龍

武三軍氣魚鈴五校名郊雲駐旌羽邊吹引金鉦訓一作

振旅方稱德安人更克貞佇看一作觀銘石罷同聽凱歌

聲

王丘

王丘字仲山相州安陽人舉制科中第自偃師主簿擢

監察御史開元初遷紫微舍人吏部侍郎其獎用如孫
逖張晉明王冷然皆一時茂秀蕭嵩引與當國丘固辭
盛推韓休休秉政薦為御史大夫終禮部尚書詩三首

詠史

高潔非養正盛名亦險艱偉哉謝安石攜妓入東山雲
巖響金奏空水濛朱顏蘭露滋香澤松風鳴珮環歌聲
入空盡舞影到池間杳渺同天上繁華非代間卷舒混
名跡縱誕無憂患何必蘇門子冥然閉清關

奉和聖製答張說扈從南出雀臘谷之作

襟帶三秦接
旂常萬乘過
陽原淑氣早
陰谷沴寒多
花

縕前茅仗霜嚴
後殿戈弋一作 戟

一作 戟

雲開晉嶺江雁入汾河

北土分堯俗
南風動舜歌
一聞天樂唱恭逐
萬人和

奉和聖製送張尚書巡邊

德業蘊時宗
幽符夢象通
台司計祈父
師律總元戎
出
入敷能政謀
猷體至公贈行光
睿什宴別感哀衷
文炳
高天曜恩垂
湛露融建牙之塞
表鳴鼓接雲中策
密鬼

神祕威成劍騎雄。朔門正炎月。兵氣已秋風。肅殺從此。

始方知胡運窮

諸篇十韻
此止九韻

蘇晉

蘇晉數歲能屬文。作八卦論。吏部侍郎房頴叔祕書少監。王紹宗見而歎曰：後來之王粲也。應進士。又舉大禮科。皆上第。先天中累遷中書舍人。崇文館學士。明皇監國。每有制命。皆晉及。賈曾藁定。數進讜言。以父珦年老。乞解職歸。侍開元十四年為吏部侍郎。知選事。多賞拔。

終太子左庶子詩二首

過賈六

主人病且閒客來情彌適一酌復一笑不知日將夕昨
來屬歡游於今盡成昔努力持所趣空名定何益

奉和聖製送張說巡邊

方漢比周年興王合

一作今

在宣亟聞降虜拜復覩出師

軍一作篇祈父萬邦式英猷三略傳算車申夏政茲含啓

戎田嚴問盟

盈一作

胡苑軍容濟洛川皇情悵闊旆詔餞

列郊筵路接禁園草池分御井蓮離聲軫去角居念斷
歸蟬三捷豈云爾七擒良信然具僚誠寄望奏凱秋風

前

崔禹錫

崔禹錫字洪範融之子登顯慶三年進士第開元中為
中書舍人卒贈定州刺史詩一首

奉和聖製送張說巡邊

供帳何煌煌公其撫朔方羣僚咸一作御餞酌明主降離

章闕塞重門下郊岐禁苑傍練

一作陳

兵宜雨洗

一作灌

臥

鼓候風涼炎景寧云憚神謀肅所將旌搖天月迴騎入

塞雲長赫赫皇威振油油聖澤滂非惟按車甲無以正

封疆叱咤陰山道澄清瀚海陽虜垣行決勝台座佇為

光

張嘉貞

張嘉貞蒲州猗氏人以五經舉補平鄉尉則天召見與
語大悅擢監察御史累遷中書舍人開元中拜中書令

後出為定州刺史知北平軍事將行上自賦詩詔百寮
出餞於上東門外嘉貞至州於恒嶽廟中立頌自為文
書石累封河東侯詩三首

恩敕尚書省寮宴昆明池應制同用堯字

靈沼初開漢神池舊浴堯昔人徒習武明代此聞韶地
脈山川勝天恩雨露饒時光牽利舸春淑覆柔條芳醑
醒千日華牋落九霄幸承歡賚重不覺醉歸遙

奉和早登太行山中言志應制

明發扈山巔飛龍高在天山南平對鞏山北遠通燕瞻
彼岡巒峻憑茲士馬妍九折一作旅誤行若礪萬谷輾如川
羅網開三面間閣問百年澤將春雪比文共曉星連溪
后逢今聖登台謝羣賢唯餘事君節不讓古人先

奉和聖製送張說巡邊

天錫我宗盟元戎付夏卿多才兼將相必勇獨橫行經
緯稱人傑文章作代英山川看是陣草木想為兵不待
河水合猶防塞一作漢月明有謀當繫醜無戰且綏氓閭

外傳

一作專

三略雲中冀一平感恩同義激

一作共盡

帳別

屢旅

一作

魂驚直視前旌掣遙聞後騎鳴還期方定日復

此出郊迎

句

河魚未上凍江蟄已聞雷

見緯畧

盧從愿

盧從愿字子龔相州臨漳人弱冠舉明經又應制舉拜
右拾遺歷殿中侍御史累遷中書舍人睿宗踐阼拜吏

部侍郎精心典選有美譽開元末以吏部尚書致仕詩

二首

奉和聖製送張說巡邊

上將發文昌中軍靜朔方占星引旌節擇日拜壇場禮樂臨軒送威聲出塞揚安邊俟帷幄制勝在巖廊作鼓將軍氣投醪壯士觴戒途遵六月離贈動三光槐路清梅暑衡臯起一作赴麥涼時文仰雄伯耀武震遐荒衽席

知無戰兵戈示不忘佇聞歌杕杜凱入繫名王

祭汾陰樂章

坤元載物陽樂發生播植資始品彙咸亨列俎幕布方壇砥平神歆禋祀后德惟明

袁暉

袁暉以魏知古薦為左補闕開元中馬懷素請校正羣籍暉自邢州司戶參軍預焉詩八首

長門怨

早知君愛歌本自無縈妬誰使恩情深今來反相誤愁

眠羅帳曉泣坐

一作望

金閨暮獨有夢中魂猶言意如故

銅雀妓

君愛本相饒從來似舞腰那堪攀玉座腸斷望陵朝怨
著情無主哀凝曲不調况臨松日暮悲吹坐蕭蕭

正月閨情

正月金閨裏微風繡戶間曉魂

一作妝

憐別夢春思逼啼

顏遠砌梅堪折當軒樹未攀歲華庭北上

一作方

何日若此

度陽關

二月閨情

二月韶光好春風香氣多園中花巧笑林裏鳥能歌有
恨離琴瑟無情著綺羅更聽春燕語妾亦不如他

三月閨情

後四句缺

三月春將盡空房妾獨居蛾眉愁自結鬢髮沒情梳

七月閨情

七月坐涼宵金波滿麗譙容華芳意改枕席怨情饒錦

字沾愁淚羅裳緩細腰不如銀漢女歲歲鵲成橋

奉和聖製答張說扈從南出雀鼠谷之作

魏國山河險周王警蹕迴九旗雲際出萬騎谷中來石

路一作岸

行將盡煙郊望忽開賞矜垂柳報春畏落花催

興逸橫汾什一作體

恩褒作頌才小臣瞻日月延首詠康

哉

奉和聖製送張尚書巡邊

出師宣九命分閫用三台始應幕中畫言從天上來丹

青不獨任韜略遂雙該坐見威稜

一作靈

治彌彰事業恢

旌旗曉雲

一作霜

送鞞鼓朔風催虜氣消殘月邊聲韻落

梅羽書雄北地龍漠

一作漢

寢南垓

一作埃及

寵戰黃金盡輸

誠

一作戈

白日迴離章宸翰發祖識國門開欲識恩華盛

平生文武材

王光庭

也詩二首

王光庭與張說善說贈詩云同居洛陽陌蓋亦洛陽人

奉和聖製答張說扈從南出雀鼠谷

省俗恩將遍巡方路稍迴寒隨汾谷盡春逐晉郊來雲

騎傳行漏煙旄引從臺惠風初應律和氣正調梅雅頌

通宸詠

一作禁

天文接曙台

一作陪

灞陵城

一作光

桃李色應待

日華開

奉和聖製送張說巡邊

賢相德

一作得

符充朝

推文武雄海波先

一作光

若鏡闢草

豫從風鉞助將軍勇威成天子功瓊章九霄發錫宴五

衢通玉輶龍盤帶金裝鳳勒一作駄虎貔紛儻儻河洛

振

一作震

熊熊戈劍千霜白旌旗

一作旃

萬火紅示刑夷夏

狄

一作變流惠鬼方

一作神

同冠息軍容偃塵消朔野空用

師數禮樂非是為獯戎

徐知仁

徐知仁開元時人詩一首

奉和聖製送張說巡邊

聖德膺三統皇恩被

一作備

八埏大明均照物小醜未寧

邊國相台衡重元戎廟畧宣紫泥方受命黃石乃推賢
問臯陰山下安人屬國前度關行照月乘幃坐消煙北
闕紵宸藻南橋列祖筵耀威當夏日殺氣指秋天鼙鼓
鼈鼈振旌旗鳥獸懸由來詞翰手一作首今見勒燕然

席豫

席豫字建侯襄陽人徙家河南進士及第開元中累官
考功員外郎典舉得士三遷中書舍人與韓休許景先
徐安貞孫逖相次掌制誥皆有能名天寶初改尚書左

永檢校禮部尚書明皇登朝元閣賦詩羣臣屬和帝以
豫詩最工詔曰詩人之首出作者之冠冕也詩五首

奉和勅賜公主鏡

令節頒龍鏡仙輝下鳳臺含靈萬象入寫照百花開色
與皇明散光隨聖澤來妍媸水鑑裏從此媿非才

江行紀事二首

飄颻任舟楫迴合傍江津後浦情猶在前山賞更新樹
深煙暮幕一作漠漠灘淺石磷磷川路南行遠淹留惜此辰

江汎春風勢山樓曙月輝猿攀紫巖飲鳥拂清潭飛古
樹崩沙岸新苔覆石礲津途賞無限征客暫忘歸

奉和聖製答張說南出雀鼠谷

鳴鸞初幸代旋

一作簇

蓋欲橫汾山盡千旗出

一作直

郊平

五校分前林已暄景後壑尚寒

氣風送簫韶曲花鋪

一作

迎黼黻文鹽梅推上宰禮樂統中軍獻賦紓天扎飄颻

飛白雲

奉和聖製送張說巡邊

聖主

一作帝

重兵權分符

一作麾

屬大賢中軍仍執政

一作節

丞相復巡邊翕習戎裝動張皇廟略宣朝榮承睿札野
餞轉行旃亭障東緣海沙場北際天春冬見巖

一作嚴雪

朝夕候烽煙已勒封

一作燕

山記

一作頌

猶聞遣戍篇五營

將月合八陣與雲連經畧

一作絡

圖方遠懷柔道更全歸

來畫麟閣藹藹武功傳

韓思復

韓思復字紹出京兆長安人舉秀才高第調梁府倉曹

參軍累遷中書舍人開元初擢諫議大夫出為德州刺
史拜黃門侍郎遷御史大夫復出刺襄州遷拜太子賓
客卒謚文明皇親題其碑曰有唐忠孝韓長山之墓詩
一首

祭汾陰樂章

大樂和暢殷薦明神一降通感八變必臻有求斯應無
德不親降靈醉止休徵萬人

劉晃

劉昇開元中人詩一首

祭汾陰樂章

大君出震有事郊禋齋戒既肅馨香畢陳樂和禮備候
暖風春恭惟降福實賴明神

御定全唐詩卷一百十一

欽定四庫全書

欽定全唐詩卷一百五十七

集部

御定全唐詩卷一百五十七

賀知章

賀知章字季真會稽永興人少以文詞知名擢進士累遷太常博士開元中張說為麗正殿修書使奏請知章入書院同撰六典及文纂後轉太常少卿遷禮部侍郎加集賢院學士改授工部侍郎俄遷秘書監知章性放曠晚尤縱誕自號四明狂客醉後屬詞動成卷軸又善

草隸人共傳寶天寶初請為道士還鄉里詔賜鏡湖剡
川一曲御製詩以贈行皇太子已下咸就執別年八十
六卒肅宗贈禮部尚書詩一卷

唐禪社首樂章

唐書樂志曰玄宗開元十三年
禪社首山祭地祇樂迎神用順

和皇帝行用太和登歌奠玉帛用肅和迎組入
用雍和初獻用壽和飲福用福和還宮用太和

送神用靈具
醉以代順和

順和

至哉含柔德萬物資以生常順稱厚載流謙通變盈聖

心事能察增廣陳厥誠黃祇侵如在泰折俟咸亨

太和

肅我成命於昭黃祇裘冕而祀陟降在斯五音克備八
變聿施緝熙肆靖厥心匪離

肅和

黃祇是祇我其夙夜夤畏誠絜匪遑寧舍禮以琮玉薦
厥茅藉念茲降康胡寧克暇

雍和

夙夜宥密不敢寧宴五齊既陳八音在縣粢盛以絜房俎斯薦惟德惟馨尚茲克徧

壽和

惟以明發有懷載殷樂盈而反禮順其禋立清以獻薦欲是親於穆不已哀對斯臻

福和

穆穆天子告成岱宗大裘如濡執珽有顙樂以平志禮以和容上帝臨我云胡肅邕

太和

昭昭有唐天俾萬國列祖應命四宗順則申錫無疆宗
我同德曾孫繼緒享神配極

曉發

江臯聞曙鐘輕拽理還艤海潮夜約約川露晨溶溶始
見沙上鳥猶埋雲外峰故鄉杳無際明發懷朋從唐文粹唐
詩紀事載此詩並作絕句云故鄉杳無際
江臯聞曙鐘始見沙上鳥猶埋雲外峰

奉和御製春臺望

青陽布王道玄覽陶真性欣若天下春高逾域中聖神

臯類觀賞帝里如懸鏡繚繞入川浮名堯雙闕映曉色

徧昭陽晴雲卷建章華滋的爍丹青樹顥氣氤氳金玉

堂尚有靈蛇下鄜畤還徵瑞寶入陳倉自昔秦奢漢窮

武後庭萬餘宮百數旗回五丈殿千門連綿南暨出西

垣廣畫蟠蛾誇一作華窈窕羅生玳瑁象崑崙迺瞻天晴

興隱恤古來土木良非一荆臨章觀趙叢臺何如堯階

將禹室層欄穿窻下龍輿清管逶迤半綺疏一聽南風

引鸞舞長謡北極仰鶴居

望人家桃李花

山源夜雨度仙家朝發東園桃李花桃花紅兮李花白
照灼城隅復南陌南陌青樓十二重春風桃李為誰容
棄置千金輕不顧踟蹰五馬謝相逢徒言南國容華晚
遂歎西家飄落遠的樂長奉一作春明光殿氣氣半入披

香苑苑中珍木元自奇黃金作葉白銀枝千年萬歲不
凋落還將桃李更相宜桃李從來露井傍成蹊結影矜

豔陽莫道春花不可樹會持仙實薦君王

送人之軍

常經絕脉塞復見斷腸流送子成今別令人起昔愁隴
雲晴半雨邊草夏先秋萬里長城寄無貽漢國憂

奉和聖製送張說上集賢學士賜宴賦得謨字

西學垂玄覽東堂發聖謨天光燭武殿時宰集鴻都枯
朽霑皇澤翾飛舞帝梧跡同遊汙漫榮是出一作拔泥塗

三歎承湯鼎千歡接舜壺微軀不可得空欲詠依蒲

奉和聖製送張說巡邊

荒悰

一作境

盡懷忠梯航已自通九攻雖不戰五月尚持

戎遣戍徵周牒

恢一作臨

邊重漢功選車命元宰授律取

文雄胄出天弧上謀成帝幄中詔旛分夏物

專土一作

專土

錫唐弓帳宿伊川右鉢

傳吹一作

晉苑東饔人藉蕡實樂

正理絲桐岐陌涵餘雨離川照晚虹恭聞詠方叔千載

舞皇風

題袁氏別業

一作遊主人園

主人不相識偶坐為林泉莫謾愁沽酒囊中自有錢

詠柳

一作柳
枝詞

碧玉妝成一樹高萬條垂下綠絲絲不知細葉誰裁出

二月春風似剪刀

采蓮曲

稽山罷

一作雲

霧鬱嵯峨鏡水無風也自波莫言春度芳

非盡別有中流采芰荷

回鄉偶書二首

少小離鄉老大回鄉音難改鬢一作面毛衰兒童相見不

相識笑

一作借
一作却

問客從何處來

離別家鄉歲月多近來人事半銷磨唯有門前鏡湖水
春風不改舊時波

荅朝士

銕鏤銀盤盛蛤蜊鏡湖蓴菜亂如絲鄉曲近來佳此味
遮渠不道是吳兒

句

落花真好些一醉一回顛

見詩
真式

御定全唐詩卷一百十二

欽定四庫全書
唐詩卷一百五十八

集部

御定全唐詩卷一百五十八

裴耀卿

裴耀卿字煥之守真子應童子舉為睿宗藩邸典籤開元中累官濟州刺史再歷宣冀二州入拜戶部侍郎請廣漕運以實關輔沿河置倉納粟又開山陸運以避三門之險擢黃門侍郎同平章事充轉運使遷侍中終尚

書左僕射詩二首

敬酬張九齡當塗界留贈之作

茂先寔王佐仲舉信時英氣覩衝天發人將下榻迎珪
符肅有命江國遠徂征九派期方越千鈞或所_{一作可}輕高
帆出風迴孤嶼入雲平邁邁嗟于役離憂空自情飾簪
陪早歲接壤廁專城曠別心彌軫宏規義轉傾徒然恨
飢渴况乃諷瑤瓊

酬張九齡使風見示

時為宣州刺史

茲地五湖隣艱哉萬里人驚颶翻是託危浪亦相因宣

室才華子金闈諷議臣承明有三入去去速歸輪

宋鼎

宋鼎明皇時為襄州刺史詩二首

贈張丞相

并序

張丞相與予有孝廉校理之舊又代余為荊州余
改漢陽仍兼按使巡至荊州故有此贈

漢上登飛幙
荊南歷舊居
已嘗臨砌檣更覩躍池魚
盛德繼微渺
深衷能卷舒
義申蓬閣際
情切廟堂初
郡挹

文章美人懷變理餘皇恩儻照亮豈獻承明廬

酬故人還山

舉櫂乘春水歸山撫歲華碧潭宵見月紅樹晚一作曉開花

肅穆輕風度依微隱徑斜亭暗松石幽澗落雲霞思

鳥吟一作鳴高樹游魚戲淺沙安知餘興盡相望紫煙賒

崔頌

崔頌開元中為荊州郡司馬詩一首

和張荊州九齡晨出郡舍林下

優閒表政清林薄賞秋成江上懸曉月往來虧復盈天

雲抗真直一作意

郡閣晦高名坐嘯應無欲寧韋濟物情

孫翃

孫翃嘗以監察御史使洪州張九齡在洪州時翃與往
還詩一首

奉酬張洪州九齡江上見贈

受命讞一作議

封疆逢君牧豫章於焉審虞芮復爾共舟

航悵別秋陰盡懷歸客思長江皋枉離贈持此慰他鄉

徐仁友

徐仁友開元時人詩一首

古意贈孫翃

南望緜氏嶺

一作山居共澗陰東西十數里緜邈方寸

心雲日落廣廈

一作

鶯花對

一作坐

孤琴琴中多苦調

悽切誰復尋

蘇綰

蘇綰嘗為書記與杜審言同時詩一首

奉和姚令公駕幸溫湯喜雪應制

漢主新豐邑周王尚父師雲符沛童唱雪應海神期林
變驚春早山明訛夕遲况逢溫液霈恩重御裘詩

康庭芝

康庭芝為河陰令與杜審言同時詩一首

詠月

一作沈佺期詩又作宋之間詩誤
杜審言有和庭芝詠月即如此也

天使下西樓光含萬里秋臺前疑挂鏡簾外似懸鈎張
尹將眉學班姬取扇儔佳期應借問為報在刀頭

張宣明

張宣明有膽氣富辭翰為郭元振判官詩二首

山行見孤松成詠

唐新語云宣明嘗山行見孤
松賞翫久之賦此詩鳳閣舍

人梁載言賞之曰文之
氣質不減於長松也

孤松鬱山椒肅爽凌清霄既挺千丈幹亦生百尺條青
青恒一色落落非一朝大廈今已構惜哉無人招寒霜
十二月枝葉獨不凋

使至三姓咽麵

宣明為元振判官時使至三姓
咽麵因賦此詩時人稱為絕唱

昔聞班家子筆硯忽然投一朝撫長劍萬里入荒陬豈
不服艱險只思清國讐山川去何歲霜露幾逢秋玉塞
已遐廓鐵闕方阻修東都日宵宵西海此悠悠卒使功
名建長封萬里侯

盧崇道

盧崇道睿宗朝為太常卿坐聳崔湜流嶺南後私還都
下事敗杖至殞詩一首

新都南亭別郭大元振

竹徑女蘿蹊蓮洲文石隄靜深人俗斷尋覩往還迷碧潭秀初月素林驚夕棲褰幌納鳥侶罷琴聽猿啼佳辰改宿昔勝寄在睽攜長懷賞心愛如玉復如珪

御定全唐詩卷一百十三

欽定四庫全書
卷一百四十九

集部

御定全唐詩

包融

包融潤州人

一云湖州人

開元初與賀知章張旭張若虛皆

有名號吳中四士張九齡引為懷州司馬遷集賢直學

士大理司直子何佶世稱二包各有集融詩今存八首

按唐藝文志融與諸光義皆延陵人曲阿有餘杭尉丁

先芝緜氏主薄蔡隱丘監察御史蔡希周渭南尉蔡希

寂處士張彥雄張潮校書郎張翬吏部常選周瑀長洲

尉談戭句容有王府參軍殷遙硖石主簿樊晃橫陽主

薄沈如筠江寧有右拾遺孫處玄處士徐延壽丹徒有
江都主簿馬促武進尉申堂構十八人皆有詩名殷璠
彙為丹陽集今存者包融以下十五人儲光
羲別見張彦雄馬促無考申堂構止存句

登翅頭山題儼公石壁

晨登翅頭山山曛黃霧起却瞻迷向背直下失城市
日銜東郊朝光生邑里掃除諸煙氛照出衆樓雉青為
洞庭山白是太湖水蒼茫遠郊樹條忽不相似萬象以
區別森然共盈几坐令開心胸漸覺落塵滓北巖千餘
仞結廬誰家子願陪中峯遊朝暮白雲裏

阮公嘯臺

荒臺森荆杞蒙籠無上路傳是古人跡阮公長嘯處至今清風來時時動林樹逝者共已遠升攀想遺趣靜然荒榛門久之若有悟靈光未歇滅千載知仰慕

酬忠公林亭

江外有真隱寂居歲已侵結廬近西術種樹久成陰人迹乍及戶車聲遙隔林自言解塵事咫尺能輞塵為道豈廬霍會靜由吾心方秋院木落仰望日蕭森持我興

來趣采菊行相尋塵念到門盡遠情對君深一談入理
窟再索破幽襟安得山中信致書移尚禽

送國子張主簿

湖岸纜初解鶯啼別離處遙見舟中人時時一迴顧坐
悲芳歲晚花落青軒樹春夢隨我心悠揚逐君去

和陳校書省中翫雪

芸閣朝來雪飄飄正滿空寨開明月下校理落花中色
向懷鉛白光因翰簡融能令草玄者迴思入流風

和崔會稽詠王兵曹廳前湧泉勢成中字

茂德來徵應流泉入詠歌含靈符上善作字表中和有
草恒垂露無風欲偃波為看人共水清白定誰多

賦得岸花臨水發

笑笑傍溪花叢叢逐㟁斜朝開川上日夜發浦中霞照
灼如臨鏡翠茸勝浣沙春來武陵道幾樹落仙家

武陵桃源送人

武陵川徑入幽遐中有雞犬秦人家先時見者為誰耶

源水今流桃復花

丁仙芝

仙一
作先

丁仙芝曲阿人登開元進士第為餘杭尉詩十四首

和薦福寺英公新構禪堂

上人久棄世中道自忘筌寂照出羣有了心清衆緣所
以於此地築館開青蓮果藥羅砌下煙虹垂戶前咒中
灑甘露指處流香泉禪遠目無事體清宵不眠枳聞廬
山法松入漢陽禪一枕西山外虛舟常浩然

贈朱中書

十年種田濱五湖十年遭澇盡為蕪頰年并稅常不足
今年縉錢誰為輸東隣轉穀五之利西鄰販繒日已貴
而我守道不遷業誰能肯效此事紫微侍郎白虎殿
出入通籍迴天眷晨趨絲筆柏梁篇畫出雕盤大官膳
會應憐爾居素約可即長年守貧賤

戲贈姚侍御

繁霜曉幕鳴柏鳥待子獸炭然金爐重門啟鎖紫髯胡

新披騾馬隴西駒頭戴獮旁急晨趨明光殿前見天子
今日應彈儻倅夫

餘杭醉歌贈吳山人

曉幕紅襟燕春城白項鳥只來梁上語不向府中趨城
頭坎坎鼓聲曙滿庭新種櫻桃樹桃花昨夜撩亂開當
軒發色映樓臺十千兌得餘杭酒二月春城長命杯酒
後留君待明月還將明月送君回

京中守歲

守歲多然燭通宵莫掩扉客愁當暗滿春色向明歸玉
斗巡初匝銀河落漸微開正獻歲酒千里間庭闈

渡揚子江

桂楫中流望空波兩畔明林開揚子驛山出潤州城海
盡邊陰靜江寒朔吹生更聞風葉下淅瀝度秋聲

長寧公主舊山池

平陽舊池館寂寥使人愁座卷流黃簾簾垂白玉鈎庭
閒花自落門閑水流追想吹簫處應隨仙鶴一作騎遊

劍溪館聞笛

夜久聞羌笛，寥寥虛客堂。
山空響不散，谿靜曲宜長。
草木生邊氣，城池泛夕涼。
一作逗虛然異風出，
曉拂宿平陽。

越裳貢白雉

一作昌胤詩

聖哲承一作符，休運伊夔列上台。
覃恩丹徼遠，入貢素翬來。
北闕欣初見，南枝顧未迴。
斂容殘雪淨，矯翼片雲開。
馴擾將無懼，翻飛幸不猜。
一作莫猜甘從上林苑，
一作裏飲啄自徘徊。

江南曲五首

長干斜路北近浦是兒家有意來相訪明朝出浣紗
發向橫塘口船開值急流知郎舊時意且請攏船頭
昨暝逗南陵風聲波浪阻入浦不逢人歸家誰信汝
未曉已成妝乘潮去茫茫因從京口渡使報邵陵王
始下芙蓉樓言發鄉鄰急為打船開惡許傍人見

句

窮花常閉戶秋城聞搗衣樹迴早秋色川長遲落暉

見吟窗
雜錄

蔡隱丘

蔡隱丘曲阿人綠氏主簿善書詩一首

石橋琪樹

文苑作蔡隱石萬首
絕句作僧隱丘詩

山上天將近人間路漸遙誰當雲裏見知欲渡仙橋

句

整巾千嶂聳曳履百泉鳴

蔡希周

蔡希周曲阿人監察御史詩一首

奉和扈從溫泉宮承恩賜浴

天行雲從指驪宮浴日餘波錫詔同綵殿氤氳擁香溜
紗窓宛轉閉和風來將蘭氣衝皇澤去引星文捧碧空
自憐遇坎便能止願托仙槎路未通

蔡希寂

蔡希寂曲阿人希周弟為渭南尉一云濟南人官至金部郎中詩五首

同家兄題渭南王公別業

好間知在家退跡何必深不出人境外蕭條江海心軒

車自來往空名石一作石

對清陰川渙將釣玉鄉亭期散金

素暉射流瀨翠色絲森林曾為詩書癖寧惟耕稼任吾

兄許微尚枉道來相尋朝慶老萊服夕閒安道琴文章

遙頌美宿寐增所欽既鬱蒼生望明時豈陸沉

登福先寺上方然公禪室

名都標佛刹梵構臨河干舉目上方峻森森青翠攢步

登諸劫盡忽造浮雲端當暑敝局闔却嫌繺絡寒禪房
最高頂靜者殊閒安踈雨向空城數峯簾外盤牛鐘振
衣坐招我同一餐真味雜飴露衆香唯薩蘭晚來恣偃
仰茶果仍留歡

陝中作

西別秦關近東行陝服長川原餘讓畔歌吹憶遺棠河
水流城下山雲起路傍更憐棲泊處池館繞林篁

洛陽客舍逢祖詠留宴

絲絲鐘漏洛陽城客舍貧居絕送迎逢君貰酒因成醉
醉後焉知世上情

贈張敬微

敬一作鏡

大河東北望桃林雜樹冥冥結翠陰不知君作神仙尉
特訝行來雲霧深

張潮

一作朝

張潮曲阿人大歷中處士詩五首

江風行

一作干行長

婿貧如珠玉婿富如埃塵貧時不忘舊富日一作貴多寵

新妾本富家女與君為偶匹惠念

一作好一作汝

一何深中

門不曾出妾有繡衣裳歲斂金縷光念君貧且

一作賤與

易此從遠方遠方三千里思君心未已

一作三千路役思發竟悔不已

日暮情更來空望去時水孟夏麥始秀江上多南風商

賈歸欲盡君今尚

一作向

巴東巴東有巫山窈窕神女顏

常恐遊此方

一作山

果然不知還

襄陽行

玉盤轉明珠君心無定準昨見襄陽客剩說襄陽好無
盡襄漢水峴山垂漢水東流風北吹只言一世長嬌寵
那悟今朝一作夕見別離君渡清羌諸知人獨不語妾見
鳥一作木棲林憶君相思深莫作雲間鴻離聲顧儔侶尚
如匣中劍分形會同處是君婦識君情怨君恨君為此
行下牀一宿不可保况乃萬里襄陽城襄陽傳近大堤
北君到襄陽莫回一作迷惑大堤諸女兒憐錢不憐德

采蓮詞

朝出沙頭日正紅
晚來雲起半江中
賴逢鄰女曾相識
並著蓮舟不畏風

江南行

茨菰一作 蒲葉爛別西灣
蓮子花開一作新 猶未還
妾夢不

離江水上一作水 人傳郎在鳳凰山

長干行

一作李白詩

憶昔深閨裏煙塵不曾識
嫁與長干人沙頭候
風色五月南風興
思君下巴一作陵 八月西風起
想君發揚子

去來一作時悲如何見少離別多湘潭幾日到妾夢越一作時

常風波昨夜狂風度吹折江頭樹森森暗無邊行人在

何處止客真一作至

三公朱衣滿江中薄一作暮

來投宿日

數朝不肯東今本無以

上四句

好乘浮雲驄佳期蘭渚東鴛鴦

綠浦上翡翠錦屏中自憐十五餘顏色桃花紅那作商
人婦愁水復愁風

句

寒林晝晚橘風絮露垂楊

紀事周瑞詩中

又見

張翬一作翬

張翬曲阿人開元二十三年進士為蕭穎士同年生官

校書郎詩二首

遊一作題樓霞寺

躋險入幽林翠微含竹殿泉聲無休歇山色時隱見潮來雜風雨梅落成霜霰一從方外遊頓覺塵心變

絕句

茫茫煙水上日暮陰雲飛孤坐正愁緒湖南誰擣衣

周瑀

周瑀曲阿人吏部常選詩三首

潘司馬別業

門對青山近汀牽綠草長寒深抱一作晚
楊柳湖畔聞漁唱天邊數鴈行蕭然有高士清思滿書堂

送潘三入京

故人嗟此別相送出煙坰柳色分官路荷香入水亭離
歌未盡曲酌酒共忘形把手河橋上孤山日暮青

臨川山行

朝見青山雪暮見青山雲雲山無斷絕秋思日紛紛

談戩

談戩曲阿人長洲尉詩一首

清谿館作

指途清谿裏左右唯深林雲敝望鄉處雨愁為客心遇
人多物役聽鳥時幽音何必滄浪水庶茲浣塵襟

句

清清江潭樹日夕增所思

殷遙

殷遙句容人天寶間忠王府曹參軍詩五首

塞上

萬里墮城在三邊虜氣衰沙填孤嶂角燒斷故關碑馬色經寒慘鶻聲帶晚悲將軍正閑暇留客換歌辭

送友人下第歸省

一作劉得仁詩

君此卜行日高堂應夢歸莫將和氏淚滴著老萊衣穢

雨連河細田禽出麥飛到家調膳後吟好送斜暉

送杜士瞻楚州覲省

風流與才思俱似晉時人淮月歸心促江花入興新雲
深滄海暮柳暗白門春共道官猶小憐君孝養親

友人山亭

故人雖一作從

薄宦往往涉清溪鑿牖對山月褰裳拂澗

覓遊魚逆水上宿鳥向風棲一見桃花發能令秦漢迷

春晚山行

一無二字

寂歷青山晚山行趣不稀野花成垂
一作子落江燕引雛
飛暗草薰苔徑一作渚 晴楊掃拂一作石磯俗人猶語此余
亦轉忘歸

沈如筠

沈如筠句容人橫陽主簿詩四首

寄張徵古

寂歷遠山意微明半空碧綠蘿無冬春彩雲竟朝夕張
子海內奇久一作耐 為巖中客聖君當一作勞 夢想安得老

松石

閨怨二首

鴈盡書難寄愁多夢不成願隨孤月影流照伏波營
隴底嗟長別流襟一動君何言幽咽所更作死生分

寄天台司馬道士

河洲花艷爚庭樹光彩儕白雲天台山可思不可見

句

思酸寒鴈斷浙瀝秋樹空漁陽燕舊都美女花不如

見吟窗
雜錄

孫處玄

一作立

孫處玄江寧人則天長安中官左拾遺神龍初論時事

不合歸里開元初薦不起詩二首

詠黃鸝

一作鄭愔詩
又作鄭縉

欲轉聲猶澁將飛羽未調高風不借便何處得遷喬

失題

漢家輕壯士無狀殺彭王一遇風塵起令誰守四方

句

殘花與露落，躋葉隨風翻。
日側南澗幽，風凝北林暮。

徐延壽

徐一
作余

徐延壽江寧人開元間處士詩三首

折楊柳

大道連國門，東西種楊柳。
歲歲君不見，嫋嫋垂來久。
緣枝棲暝禽，雄去雌獨吟。
餘花怨春盡，微月起秋陰。
坐望窗中蝶，起攀枝上葉。
好風吹長條，婀娜何如妾。
妾見柳

園新高樓四五春莫吹胡塞一作笳曲愁殺隴頭人

南州行

搖艇至南國國門連大江中洲西一作兩邊岸數步一垂

楊金釧越溪女羅衣胡粉香纖繡春卷幔采蕨暝提筐
弄瑟嬌垂幌迎人笑下堂河頭浣衣處無數紫鴛鴦

人日剪綵

閨婦持刀坐自憐裁剪新葉催情綴色花寄手成春帖
燕留妝戶黏雞待餉人擎來問夫婿何處不如真

樊晃一作光

樊晃句容人
陁石主簿詩一首

南中感懷

南路蹉跎客未回
常嗟物候暗相催
四時不變江頭草

十月先開嶺上梅

句

巧裁蟬鬢畏風吹
盡作蛾眉恐人妒

御定全唐詩卷一百十四

欽定四庫全書
欽定四庫全書
欽定全唐詩卷一百十五

集部

御定全唐詩卷一百十五

李憕

李憕太原文水人舉明經開元初為咸陽尉張說為并州長史太平軍大使時引憕常在幕下後為宇文融判官括田課最遷監察御史歷給事中河南少尹天寶初出為清河太守改尚書右丞京兆尹轉光祿卿東都留守遷禮部尚書安祿山陷長安遇害贈司徒謚忠烈詩

三首

和戶部楊貞外伯成寓直

落日彌綸地公才畫省郎詞驚起草筆坐引護衣香雙
闕天河近千門夕漏長遙知臺上宿不獨有文強

同望幸新亭賜錢公宴

感夢通玄化覃恩降紫宸賜錢開漢府分帛醉堯人地
隔朝宗慶亭臨卜洛新行看廣雲雨二月次東巡

奉和聖製從蓬萊向興慶閣道中留春雨中春

望之作應制

別館春還淑氣催三宮路轉鳳皇臺雲飛北闕輕陰散
雨歇南山積翠來御柳遙隨天仗發林花不待曉風開
已知聖澤深無限更喜年芳入睿才

李邕

李邕字泰和廣陵江都人蘭臺郎善之子長安中李嶠
張廷珪薦其詞高行直拜左拾遺宋璟劾奏二張邕於
天后前抗言助之開元初歷殿中侍御史執政忌其才

頻被貶斥後為北海太守李林甫傳以罪杖殺之邕早擅才名尤長碑頌雖貶職在外中朝衣冠及天下寺觀多齋金帛往求其文饋遺至鉅萬自古鬻文獲財未有其比嘗撰六公詠杜甫八哀詩所謂朗詠六公篇憂來發蒙蔽是也今不傳存詩四首

銅雀妓

西陵望何及弦管徒在茲誰言死者樂但令生者悲丈夫有餘志兒女焉足私擾擾多俗情投迹互相師直節

豈感激荒淫乃淒其頽水有許由西山有伯夷頌聲何
寥寥唯聞銅雀詩君舉良未易永為後代嗤

詠雲

綠雲驚歲晚繚繞孤山頭散作五般色凝為一段愁影
雖沈澗底形在天際遊風動必飛去不應長此留

登歷下古城員外孫新亭

亭對鶴河時李之芳
自尚書郎出為齊州

製此亭

吾宗固神秀體物寫謀長形制開古跡曾冰延樂方太

山雄地理巨壑眇雲莊高興汨煩促永懷清典常含宏
知四大出入見三光負郭喜一作皆杭稻安時歌吉祥

奉和初春幸太平公主南莊應制

傳聞銀漢支機石復見金輿出紫微織女橋邊烏鵲起
仙人樓上鳳皇飛流風入座飄歌扇濕水侵階濺舞衣
今日還同犯牛斗乘槎共逐一作泛海潮歸

王灣

王灣洛陽人登先天進士第開元初為榮陽主簿馬懷

素請校正羣籍召學涉之士分部撰次灣在選中祕書
罷謨又與陸紹伯等同校麗正院書終洛陽尉灣詞翰
早著其海日生殘夜江春入舊年之句當時稱最張說
手題於政事堂每示能文令為楷式詩十首

奉使登終南山

常愛南山遊因而盡原隰數朝至林嶺百仞登嵬嵬石
壯狀一作馬徑一作經窮苔色步緣入物奇春狀一作貌改氣
遠天香集虛洞策杖鳴低雲拂衣濕倚巖見廬舍入戶

欣拜揖問性矜勤勞示心教澄習玉英時共飯芝草為
余拾境絕人不行潭深鳥空立一乘從此授九轉兼是
給辭處若輕飛憩來唯吐吸間一作開襟超已勝迴路倏

而及煙色松上深水流山下急漸平逢車騎向晚睨城
邑峯在野趣繁塵飄宦情溢一作緝辛苦久為吏勞生一作

榮進何妄執日暮懷此山悠然賦斯一作新什

晚夏馬嵬一作升卿叔池亭即事寄京都一二知

已

忝職畿甸淹濫陪時俊

一作英

後才輕策疲劣勢薄常驅

走牽役勞風塵秉心在巖藪宗賢開別業形勝代希偶

竹繞清渭濱

一作涓

泉流白渠口逡巡期賞會揮忽變星

斗逮此乘務閒

一作餘

因而訪幽叟入來殊景物行復洗

紛垢林靜秋色多潭深月光厚盛香蓮近折新味瓜初

剖滯拙懷隱淪書之寄良友

麗正殿賜宴同勒天前煙年四韻應制

金殿忝陪賢瓊羞忽降天鼎羅仙掖裏觴拜瑣闈前院

逼青霄路厨和紫禁煙酒酣空忭舞何以答昌年

奉和賀監林月清酌

華月當秋滿朝英

一作軒

假興同淨林

新露入規

一作窺

院

小早涼通碎影行

一作早

庭裏搖花落酒中

清宵凝爽意併

此助文雄

次北固山下

客路青山外行舟綠水前潮平兩岸闊風正一帆懸海日生殘夜江春入舊年鄉書何處達歸雁洛陽邊

河岳靈英

集題作江南意詩云南國多新意東行同早天潮平兩
岸失風正數帆懸海日生殘夜江春入舊年從來觀氣
象惟向此中偏

觀揷箏一作詠

一作祖

虛室有秦箏
新月復清弦
多弄委曲柱
促語分明曉
怨凝繁手春嬌入
慢一作聲近來唯此樂
傳得美人情

晚春詣蘇州敬贈武員外

蘇臺憶季常
飛櫂歷江鄉
持此功曹掾
初離一作華省

郎貴門生禮樂明
代秉文章嘉郡璧
一作位先進鴻儒名

重揚爰從姻姪一作戚

貶豈失忠信防萬里行驥一作汗馬足

十年睽鳳翔迴遷翊元聖入拜佇惟良別業對南浦羣

書滿北堂意深投轄盛才重接筵光陋學叨鉛簡弱齡

許翰場神馳勞舊國顏展別殊方際曉雜氛散殘春衆

物芳煙和疎樹滿雨續小谿長旅拙感成慰通賢顧不

忘從來琴曲罷開匣為君張

秋夜寓直即事懷贈蕭令公襄侍郎兼通簡南

省諸友人

聖主萬年興賢臣數載升古靈傳嶽秀宏量稟川澄畿
甸舉長策風霜秉直繩出車遙俗震登閣滿朝稱賦簡
流亡輯農安政理憑還家新長幼巡壘舊溝塍忠梗大
勛立寰瀛一作哀羸隋業懲焚香兼御史懸鏡委中丞旗隼
當朝立臺驄發郡乘司徒漢家重國典潁川徵雲路俄
平入台階忽上凌秉鈞調造化宣綺慰黎烝金省方秋
作瑤軒直夜凭中書贈陳準右相簡王陵三傑賢更穆
百僚歡且競搖懷及賓友計曲辨淄澑間闔暝陰散鈎

陳爽氣凝月深宮樹轉河近禁樓冰卑吏夙驅策微涓
效斗升望麾宵繼火書板一作檄曙懷蒸彼此雖流盼規

模轉服膺惠將霄漢隔勞或歲時矜位重恩寧濫才輕

憚不勝林巒甘獨往疵賤苦相仍敢忘銜花雀思同附

驥蠅平生逐鳥雀何日嗣一作似蒼鷹

哭補闕亡友綦母學士

明代資多士儒林得異才書從金殿出人向玉墀來詞
學張平子風儀褚彥回崇儀希上德近侍接元台曩契

心期早今遊宴賞陪屢遷君擢桂分尉我從梅忽遇乘
輶客云傾構夏材泣為洹水化歎作泰山頽冀善初將
慰尋言半始猜位聯情易感交密痛難裁遠日寒旌暗
長風古挽哀裳中無舊業行處有新苔反哭魂猶寄終
喪子尚孩墓田門吏給墳木路人裁遽洟悲成往俄傳
寵令迴玄經貽石室朱紱耀泉臺地古春長閑天明夜
不開登山一臨哭揮淚滿蒿萊

閏月七日織女

耿耿曙河微神仙此夜會一作稀今年七月閏應得兩回

歸

句

月華照杵空隨妾風響傳砧不到君

擣衣篇見河嶽英靈集

史青

史青零陵人聰敏強記開元初上書自薦能詩云子建
七步臣五步之內可塞明詔明皇試以除夕上元竹火
籠等詩應口而出上稱賞授左監門衛將軍今存詩一

首

應詔賦得除夜

一作王謹詩

今歲今宵盡
明年明日催
寒隨一夜去
春逐五更來

氣色空中改
容顏暗裏回
風光人不覺
已著一作入

後園梅

王泠然

王泠然開元五年登第王丘典吏部選時嘗被獎拔官
校書郎急於仕進有上張說書稱公之用人蓋已多矣
僕之思用其來久矣僕雖不佞亦相公一株桃李也詩

四首

汴堤柳

一本作題
河邊枯柳

隋家天子憶揚州厭坐深宮傍海游穿地鑿山開御路

鳴笳疊鼓泛清流流從鞏北分河一作汾直到淮南種

官柳功成力盡人旋亡代一作運謝年移樹空有當時絲

女侍君王繡帳

一作帳殿

旌門對柳行青葉交垂連幔色白

花飛度染衣香今日摧殘何用道數里曾無一枝好驛

騎征帆損更多山精野魅藏應老涼風

一作秋八一作九

月

露為霜日夜孤舟入帝鄉河畔時時聞木落一作落葉客中

無不淚沾裳一作無個
不沾裳

夜光篇

遊人夜到汝陽間夜色冥濛不解顏誰家暗起寒山燒
因此明中得見山山頭山下須臾滿歷險緣深無暫斷
焦聲散著羣樹鳴炎氣傍林一川暖是時西北多海風
吹上連天光更雄濁煙熏月黑高豔薰雲紅初謂煉丹
仙竈裏還疑鑄劖神谿中劃為飛電來照物乍作流星

併上空西山無草光已滅東頂熒熒猶未絕沸湯空谷
數道水融益一作盡陰崖幾年雪兩京貧病若為居四壁皆
成鑿照餘未得貴游同秉燭唯將半影借披書

古木卧平沙

古木卧平沙摧殘歲月賒有根橫水石無葉拂煙霞春
至苔為葉冬來雪作花不逢星漢使誰辨是靈槎

淮南寄舍弟

昔予從不調經歲旅淮源念爾長相失何時返故園寄

書迷處所分袂隔涼溫遠道俱為客他鄉共在原歸情
春伴雁愁泣夜隨猿愧見高堂上朝朝獨倚門

句

林狹欺童子山精試老僧

山寺

陳兵劒閣山將動飲馬

珠江水不流

詠八陣圖送人
以上並見詩式

官微恩倚玉文淺怯投

珠

贈張公子協律
見上張說書

御定全唐詩卷一百十五